

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), Ugovora o implementaciji i Aneksa sporazuma o realizaciji Projekta za nabavku kvalitetnih junica, na prijedlog Ministarstva za poljoprivredu, šumarstvo i vodoprivredu, Vlada Zeničko dobojskog kantona, na 68. sjednici, održanoj 28.06.2012. godine, d o n o s i

## **ZAKLJUČAK**

### **I.**

Ovlašćuje se Ministar Ministarstva za poljoprivredu, šumarstvo i vodoprivredu Bojan Bošnjak da može odobravati korištenje sredstava iz dijelom obnovljenog Fonda Revolving kredita za nabavku i promet kvalitetnih junica koji servisira Investiciono-komercijalna banka D.D. Zenica do iznosa od 267.000,00 KM (slovima: dvijestotinešezdesetsedamhiljada konvertibilnih maraka)

### **II.**

Ovlaštenje se odnosi na sredstva prikupljena otplatom kredita za nabavku kvalitetnih junica ili krava za priplod koje su dodjeljivane poljoprivrednim proizvođačima iz Projekta Komisije Evropske Unije, a po Ugovoru o implementaciji zaključenog između Federalnog ministarstva poljoprivrede, vodoprivrede i šumarstva, Ministarstva za poljoprivredu, šumarstvo i vodoprivredu Zeničko-dobojskog kantona i Komisije Evropske Zajednice koji je potpisan u Sarajevu dana 24. augusta 1999. godine.

Sredstva će se odobravati za nabavku kvalitetnih junica ili krava za priplod.

### **III.**

U skladu sa uslovima kredita koje je propisao donator sredstava iz ovog fonda će se dodjeljivati po slijedećim uslovima:

- Period otplate 5 (pet) godina,
- grejs period 1 (jedna) godina,
- kamata 2%
- maksimalan iznos 2.000,00 KM/jednom grlu.

### **IV.**

Izbor farmera obavljat će se po javnom pozivu, a farmeri će morati ispunjavati slijedeće uslove:

- da posjeduju odgovarajući objekat za držanje goveda
- da imaju pripremljenu hranu za stoku,
- obezbijeden veterinarski nadzor nad grlima.
- da je upisan u registar gazdinstava

Konačnu odluku o izboru korisnika ovih sredstava daje Ministarstvo za poljoprivredu, šumarstvo i vodoprivredu Zeničko-dobojskog kantona.

## V.

Servisiranje kredita će obaviti Investiciono-komercijalna banka Zenica u skladu sa potpisanim Ugovorom, uz obezbjeđenje povrata sredstava koje primjenjuje na plasman sredstava banke.

## VI.

Ovo ovlašćenje odnosi se samo na sredstva iz navedenog Revolving kredita te se u druge svrhe ne može koristiti.

## VII.

Usvajanjem ovog zaključka stavlja se van snage Zaključak broj: 02-14-14177/12, od 31. 05. 2012. godine.

## VIII.

Ovaj zaključak stupa na snagu danom donošenja.

Broj: 02-\_\_\_\_\_ /12.  
Datum, 28.06.2012. godine  
Zenica

DOSTAVLJENO:  
1x Ministarstvu za poljoprivredu,  
šumarstvo i vodoprivredu,  
1x a/a.

**PREMIJER**

*mr.sci. Fikret Plevljak, dipl.ing.*